



Fodja di Informason di Izami di Konduson di Klasi D y M

Rejistu di Veiklus Motorizadu

P.O. Box 55889 • Boston, MA • 02205-5889

Popa tenpu, bai na Mass.Gov/RMV pa ajendamentu automatizadu!

Fazi un revizon di es fodja y odja videos na Mass.Gov/RoadTest antis di fazi izami di konduson.

A. Rikerimentu di Pagamentu Online di Tarifas pa Izami di Konduson/Lisensa & Kanselason di 72 Ora

Tarifas pa izami di konduson pa klasi D y M y pa lisensa podi ser pagu online vizitandu kel sekson di Tarifas na Mass.Gov/RoadTest. Fazi pagamentu online y evita di bai pa Sentru di Servisu.

Da un avizu di kaselamentu di pelu minus 72 ora o pa re-marka. Si bu tiver ki kansela o re-marka bu ajendamentu ku minus ki 72 oras di avizu, bu ta ser rikeridu a paga tarifa di izami di konduson pa kel ajendamentu kanseladu/re-markadu, y tanbe di paga un tarifa pa izami di konduson pa novu ajendamentu markadu.

B. Rikerimentus di Kandidatu

Kandidatus debi prenxi kes sigintis rikerimentus pa izami di konduson pa Klasi D o M:

- ☐ Txiga pelu minus 15 minutos antis ku bu padrinhu (akonpanhanti) na instalason di RMV.
- ☐ Trazi bu lisensa di aprendiz validu ku bo. Kel bu lisensa di aprendiz ofisial debi sta lejivil, o ta rikeridu un linsensa duplikadu.
- ☐ Trazi kel aplikason di izami di konduson konpetadu ku bo. Bu podi baxal y inprimil di Mass.Gov/RoadTest
 - Si bu raspondi **Sin** pa pergunta 1 y 2 na kel sekson di Perguntas Obrigatoriu di aplikason di izami di konduson, aplikason ten ki ser aprovalu pa un enpregadu autorizadu di RMV antis di izami di konduson.
 - Si bo e menor di 18 anu, kel aplikason ten ki ser asinadu pa un pai, enkaregadu, divizon di guarda di kriansa, direktor di skola internatu. Si kel algen ki stiver ta sina kel aplikason **KA FOR** un pai, dokumentason adikuadu ten ki ser mostradu na altura di izami di konduson pa prova ma kel algen e kualifikadu pa sina.
- ☐ Kandidatus pa Klasi D ten ki ser akonpanhadu pa un padrinhu ki:
 - Ten pelu minus 21 anu di idadi.
 - Ten un karta di konduson validu di E.U.A, imitidu pa ses stadu o teretoriu di E.U.A, ku pelu minus un anu di sperensia di konduson. Kel karta ten ki ser fizikamenti aprezentadu pa izaminador; un imajen iletroniku di karta ka ta aseitadu. Un individu ku un karta stranjeru, ki ka e di E.U.A, ka podi sirbi komu padrinhu.
- ☐ Kandidatus pa Klasi M debi ten pelu minus 18 anu idadi. Si bo e menor di 18 anu di idadi, bu ka podi fazi un izami di konduson Klasi M di RMV y bu ten ki konpleta ku susesu un kursu baziku di Programa di Idukason Rodoviaria di Massachusetts (MREP) pa bu podi obten un karta di Klasi M. Kandidatus pa izami di konduson pa mota **KA** mesti un padrinhu.
- ☐ Sta a par di tudu rikerimentus na traz di es Fodja di Informason y razons ki pamodi RMV podi rijeita bu veiklu, rejeita bu aplikason, o kansela bu izami di konduson antis di testi kumesa.
- ☐ Lenbra ma so kel kandidatu y padrinhu ki debi sta dentu di karu duranti izami; isepsons ta ser fetu pa interpretis di lingua y animias servisal trenadu. Kriansa ka podi bai na karu duranti izami.
- ☐ Uzu di kubertoris di rostu (maskra) e altamenti insentivadu, mas ka e rikeridu, pa tudu okupantis duranti izami di konduson.
- ☐ Ten konhesimentu di sinalizason di mo, uzadu pa mostra ki ladu ki bu sta vira y stop. Bu ta pididu pa bu dimostra kes sinalizasons di seguransa na inisiu di bu testi.

(Kontinua ta le parti di traz di es Fodja di Informason pa sertifika ma bu ta sai di loti di stasionamentu)

C. Rikerimentus di Veiklu

Veiklus uzadu pa izami di konduson Klasi D o M ten ki prenxi sigintis rikerimentus y ta ser inspesionadu antis di testi. Kel li ta inklui veiklus ku un dispuzitivu di blokeiu di ignison, y veiklus ku ekipamentu adaptivu pa un testi di konpitensia.

- ☐ Sta na bon kondison di funsionamentu y kapaz di pasa verifikason di seguransa.
- ☐ Ten un rejistu validu y ku selu di inspeson en dia.
- ☐ Ten akumodasons di asentu adikuadu na ladu di kondutor pa uzu di izaminador y ten asentu di traz di kondutor pa kel padrinhu di kondutor.
- ☐ Ser disenhadu pa dexe izaminador fazi un stop di imerjensia uzandu travon di mo. Si nou, veiklu **KA PODI** ser uzadu pa izami ki konduson, y bu ta ser kobradu pa kel izami di konduson.
 - Kalker veiklu ku konsoli sentral ki ka ten travon di mo komu parti di kel konsoli **KA PODI** ser uzadu.
 - Kalker veiklu ki ka ta permiti izaminador asesu sen obstruson a travon di mo **KA PODI** ser uzadu.

D. Veiklus Rejistadu na otu Stadu

- ☐ Trazi prova di kubertura di segurus na forma di un apolisi spesifikandu limitis di kubertura. Kobertura di segurus **TEN KI** ser igual a rikerimentus minimu di Massachusetts di \$25,000/\$50,000 pa kubertura di lizon korpural y \$30,000 pa danus di propriedadi pa uzu di kel veiklu na Massachusetts.

E. Karus Lugadu

- ☐ Trazi kel akordu di aluger y permison skritu na papel tinbradu di kel enpreza di aluger ku sinatura y titlu di un reprezentadi autorizadu autorizandu uzu di kel veiklu na izami di konduson.

F. Izamis di Konduson Kanseladu y Rijeitadu

Izamis di konduson podi ser kanseladu pamodi kondisons di tenpu, di strada, y otus kondisons sima:

- Un imerjensia di stadu deklaradu na rejion undi ki izami di konduson stiver markadu. Duranti kondisons di mau tenpu, vizita [Mass.Gov/RMV](https://www.mass.gov/RMV) o [X.com/MassRMV](https://www.X.com/MassRMV) pa atualizasons di servisu antis di prosedi pa lugar di bu izami di konduson.

Izaminador di Izami di Konduson podi rijeita o kansela bu izami di konduson dividu a razons di segurasas o instansias undi ki Izaminador di Konduson:

- Identifika ma kel kadidatu y/o padrinhu sta apresenta sinais di detiorizason dividu a alkua o substansias.
- Identifika un txeru di padjinha o alkua ki sta ben di kandidate y/o padrinu; inkluidu di ses ropa o di dentu di karu ki sta ben ser uzadu pa izami di konduson.
- Observa ma kriansa minor, inkluidu bebes na kaderinhas di karu, o animal, ki ka e animal servisal trenadu definidu pa Lei di Amerikanus ku Difisensia (ADA) Titlu II, sta prezenti y ka podi ser dexadu sen supervizon na Sentru di Servisu duranti izami di konduson.

Bo e responsavel pa tarifa di izami di konduson, tudu reprovason, rijeison, kanselamentu menus ki 72 oras, non-konparensia. Remarkason e di responsabilidadi di kadidatu.

G. Spetativa di Konportamentu Etiku y Profisional

Atus y tentativas di kandidate, padrinhu, skola di konduson, o kalker otu individu asosiadu ku kandidate, di influensia rezultadu di izami di konduson atravez di oferesimentu di dinheru, prezentis, subornus, o otus bens tanjivel e proibidu pa lei di Massachusetts.

Amiasas, abuzu fiziku, y abuzu verbal en direson a Izaminador di kalker ladu involvidu na izami di konduson ka ta ser toleradu y RMV podi atraza abilidadi di kel kadidatu di marka un otu izami di konduson.

Ofisial di Rejistru ta rezerva direitu di kansela y revoka kalker lisensa si mas tardi for determinadu ma kel kandidate a lisensa ka prenxi kes rikerimentus legal minimu pa izami di konduson.